



KERJASAMA: Catherina (dua kanan), Ooi Ai Yee (kanan), Sahraizad dan Sittha Ranjanan di LPP Labuan.

Kerjasama laksana projek ternak ayam penelur

UMS meterai kolaboratif dengan PPK Labuan Utara untuk memenuhi keperluan telur tempatan

UB 02.11.2024 P.06

LABUAN: Selaras usaha memenuhi keperluan telur ayam tempatan dan mengurangkan kebergantungan bekalan dari luar Labuan, Universiti Malaysia Sabah (UMS) menjalin kerjasama dengan Pertubuhan Peladang Kawasan (PPK) Labuan Utara bagi melaksanakan projek penternakan ayam penelur.

ia dilaksanakan oleh pensyarah Fakulti Kewangan Antarabangsa Labuan (FKAL) UMS.

Usaha itu sebahagian daripada inisiatif Program Pendayaan Komuniti@UniMADANI di bawah seliaan Pengarah Pusat Kelestarian Libatsama Masyarakat (PKLM) UMS, Dr. Elia Godoong.

Pada akhir Ogos 2024 lalu, satu pertemuan diadakan oleh ahli projek PPAP@UniMADANI UMS diketuai oleh Ooi Ai Yee bersama ahlinya, Prof Madya Dr. Geoffrey Harvey Tanakinjal, Dr. Siti Nur Aqilah dan Minah Japang dengan Pengerusi Ahli Jemaah Pengarah PPK Labuan Utara, Haji Bungso Haji Mohammad.

ia bagi mendapatkan cadangan ahli pertubuhan peladang dan meninjau cadangan tapak ladang ternakan yang bersesuaian.

Hasil daripada perbincangan itu, pada 23 September lalu satu persetujuan kerjasama dimeterai di antara PPAP@UniMADANI dengan ahli PPK Labuan Utara, Sittha Ranjanan sebagai penternak ayam penelur bagi mewakili komuniti Kampung Bukit Kuda.

Matlamat utama projek rintis komuniti penternakan ayam penelur ini adalah mewujudkan ladang ternakan ayam penelur di Wilayah Persekutuan Labuan.

Buat masa kini belum ada ladang ternakan ayam pene-



PENTERNAK: Ooi Ai Yee (dua kiri) bersama Sittha Ranjanan, Dr. Siti Nur Aqilah dan Minah Japang (kanan).

lur secara komersil di Wilayah Persekutuan Labuan yang berupaya menampung permintaan sekurang-kurangnya sejuta biji keperluan telur ayam sebulan di pasaran tempatan.

Selain itu, projek berkenaan juga untuk menyokong pertumbuhan ekonomi komuniti tempatan melalui pemilihan komuniti dan tapak ladang ternakan yang sesuai di Labuan.

Dengan sokongan daripada agensi kerajaan seperti Jabatan Veteriner dan Lembaga Pertubuhan Peladang Labuan, hasrat mendirikan ladang penternakan ayam penelur dapat dibangunkan mengikut amalan penternakan yang berdaya tahan, lestari dan patuh kepada piawaian kesihatan dan keselamatan yang ditetapkan.

Di samping itu, projek ini juga melibatkan eksperimen pemindahan ilmu berkaitan pembangunan formula dedak resipi baru untuk menambah penghasilan telur ayam dan meningkatkan kualiti telur ayam segar.

Projek pemindahan ilmu ini turut memberikan penekanan kepada pembangunan modal insan melalui penyediaan peluang pekerjaan dan latihan untuk penduduk setempat.

Dengan ini, projek ini diharapkan dapat memberikan sumbangan yang signifikan kepada sosioekonomi Labuan, sekali gus meningkatkan tahap keselamatan makanan di wilayah ini.

Salah satu aktiviti pemindahan ilmu di bawah projek ini adalah penganjuran satu seminar berkaitan aspek ternakan ayam.

Penganjuran Poultry Seminar ini bakal dianjurkan bersama oleh Fakulti Kewangan Antarabangsa Labuan (FKAL) dan Lembaga Pertubuhan Peladang W.P. Labuan.

Seminar ini merupakan hasil daripada pertemuan ketua projek PPAP@UniMADANI dengan Pengarah LPP Labuan, Catherina Edward, dan Timbalan Pengarah LPP, Sahraizad Amat Sha yang telah diadakan pada 14 Oktober yang lalu.